

ԳՈՀԱՐ ԳԱԼՍՑԱՆ

ԳՈՒՆԴՈՒՉԻԿՆ  
ՈՒ  
ՀԱՅԵԼԻՆ

Մանկական բանաստեղծություններ  
հեղինակի նկարազարդումներով



Երևան  
  
Վան Արյան  
2022



# ԳՈՒՆԴՈՒՉԻԿԸ

## ԽԱՂԸՆԿԵՐ

Գունդուչիկը երևի  
Սոր էր տեսնում հայելին.  
Եկավ, կանգնեց դեմուդեմ,  
Ու չգիտեր ի՞նչ աներ...

Ձեռքի գնդակը փափուկ  
Թափով նետեց հայելուն,  
Հայելին էլ, դե՛ գիտեք,  
Ողջը կրկնեց մեկ առ մեկ:

Գունդուչիկը, այս անգամ,  
Քնդակն առավ ու ժպտաց.  
Հիմա ուներ խաղընկեր՝  
Ժպտերես ու գանգրահեր:



# ԳՈՒՆԴՈՒՉԻԿԸ ՓՐԿԱՐԱՐ

Մի օր բակից, աննկատ,  
Գունդուշիկը դուրս փախավ:  
Կողքի փոքրիկ պուրակում  
Կամրջակ կար, վրան՝ շուն:

Ուրիշ էլ ո՛չ ոք չկար՝  
Գունդուշիկը երբ հասավ.  
Շունն արդեն ջուրն էր ընկել,  
Բայց Գունդուշիկը փրկեց:



Գրկեց փոքրիկ կենդանուն,  
Նայեց, ջրում տեսնի՝ ո՞ւմ -  
Խաղընկերն իր մշտական,  
Չետն էլ շունն՝ իր շան նման:

Գունդուչիկը, անկասկած,  
Ինչ-որ մի բան հասկացավ,  
Ժպտաց ջրի հայելուն,  
Շանը գրկած տարավ տուն:



## ՈՒՐԱԽՈՒԹՅԱՆ ՀԱՅԵԼԻ

Մեծ էր այգին մանկական,-  
Կարուսելներ, ճոճանակ,  
Խաղասրահ մեջտեղում.  
Գունդուչիկը կորավ՝ ո՞ւր:

Մի դռնակ կար՝ ճըճ՞ռ բացվեց,  
Գունդուչիկը մտավ ներս,  
Դեսուղեն էր դեգերում՝  
Տեսավ խորթում մի մարդու:

Մարդը եկավ ընդառաջ,  
Կանգնեց դիմացը անշարժ,



Ինքն էլ կանգնեց իր տեղում,  
Աչքերն էր դեռ տրորում...

Սա ի՞նչ էր՝ մեծ հայելի՞,  
Խոշորացնող ամեն ինչ,  
Դիմացը մեծ մա՛րդ էր, թե՛  
Խոշորացած Գունդուչիկ:

Երբ որ նայեց աջուձախ,  
Է՛լ ավելի զարմացավ.  
Ամեն կողմում հայելի՛  
Միծաղաշարժ, ինդալի:

Իր պատկերը մի կողմում  
Երկա՛ր՝ դարձել էր ընծուղտ,  
Ուրիշ տեղում՝ գո՛ւնդ-գնդակ,  
Գունդուչիկն էր, բայց՝ տափակ:

Այստեղ դարձել էր թզուկ  
Կամ մի փոքրիկ արջամուկ,  
Ականջները՝ տափօղակ,  
Խնդում էր, ոնց որ դողար...

Մի քանի քայլ, և էլի՛  
Միծաղում է լիուլի.-  
Իր ոտքերն են՝ կտրված,  
Չայտնվել են վզից ցած:





Կչկչում է, խոսք չկա,  
Սրան նայեք դուք հապա,-  
Գլուխը՝ լայն ուսերից,  
Բերանը բաց, քիթը՝ ցից:

Չեր դիմանում, դուրս գնաց,  
Բայց ծիծաղում էր քահ-քահ...  
Ի՛նչ ուրախ էր, երբ սրտանց  
Խնդում էր ինքն իր վրա...




# ՀՆԱՐԱՄԻՏ ՀԱՅԵԼԻ

Ոսկեգանգուր մագերով,  
Հեծանիվով մանկական,  
Ո՛վ է տեսել մի զինվոր՝  
Ժպտերես ու մարտական:







Գունդուչիկն է մեր արի,  
Շոր է հագել գինվորի՝  
Պաշտպանում է նորելուկ  
Սիծեռնակի ձագերին:

Ու երբ կատուն խորամանկ  
Մոտ է գալիս տանիքին,  
Վեր է թեքում նա իսկույն  
Հեծանիվի հայելին:

Քար չի՛ գցում նա կատվին,  
Այլ միայն ցուքն արևի,  
Որ, երեսը շրջելով՝  
Կատուն փախչի կտուրից:





## ԹԱՆԳԱՐԱՆՈՒՄ

Գունդուչիկը անվարան  
Մի օր մտավ թանգարան,  
Տեսավ խմբով մանուկներ,  
Ինքն էլ քայլեց նրանց հետ...

Քիչ անց մտավ մի սրահ,  
Ուր ինչ ասես որ չկար՝  
Էլ բրածո ոսկորներ,  
Հին-հին զենքեր ու փողեր...

Գույն-գույն զարդեր անսման,  
Կավե կժեր ու աման,  
Քարտեզներ ու քարե պատ՝  
Փորագրված հատ առ հատ.



Պատմությունը աշխարհի՝  
Տեսավ որպես հայելի,  
Ուզեց արագ մեծանալ՝  
Գրել-կարդալ իմանալ:

Շրջեց, տեսավ ամեն ինչ,  
Ու իր տեսած ամենից  
Հիշողության հայելին  
Վերցրեց՝ պահեց ավելին.-

Գրանցեց տեղն ամենի՝  
Մի թանգարան գիտելիք,  
Որ, երբ մի քիչ մեծանա,  
Գա՛ւ ամբողջին տեր դառնա:



# ՄՆԿՈՎ ԿԱՐԿԱՆԴԱԿ

Ծառի բնին շատ մոտիկ՝  
Սնկի գլխարկ ու տոտիկ,  
Էս ի՛նչ սիրուն են աճել,  
Տե՛ս, մի սունկ էլ, շա՛տ սնկեր...

Պապ ու թռռնիկ, տատ ու ծոռ՝  
Մեծ ու փոքրիկ սնկերով,  
Հավաքվել են ծառի տակ.  
Ոնց որ՝ սնկի գումարտակ...

Գունդուչիկն էլ, պապի հետ,  
Եկել է սունկ հավաքի,  
Տատի խմորը պատրաստ՝  
Դեռ սունկ է պետք միջուկին:

- Դու, ի՛մ տղա, չշտապես,-  
Հորդորում է պապն արդեն,-  
Սնկի գլխարկը պոկել,  
Կամ տոտիկը վնասել...



Երեկ անձրև էր, հեղեղ,  
Հողի տակ թաց է եղել,  
Դուրս են եկել գիշերով  
Նաև սնկեր թունավոր:

- Ուրեմն, զգո՛ւյշ, թող՝ տեսնեմ,  
Ճանճասպանին չդիպչես,  
Աղվեսասունկ կա՝ մի տես,  
Դեղին, ոնց որ ձվածեղ:

- Բա Շամպինիոնը, պապի՛կ,  
Էս թփի տակ լիքն է խիտ...  
Կուզե՛ս սնկով կարկանդակ՝  
Պոկիր տոտիկ ու գդակ...



# ԳԵՏԱՓԻՆ

Ամռան տապին, գետափին,  
Գունդուչիկը լողացած՝  
Քար էր նետում պարապից,  
Երբ ճիչերում իլացած  
Ձայնը լսեց ընկերոջ.

- Օգնե՛ք,- կանչում էր Սուրուն:

Ափին աշխույժ էր տիրում,  
Անգամ մեծեր կային շատ,  
Բայց Գունդուչիկը հերոս  
Իսկույն նետվեց ընդառաջ...





Ոտքը խփել էր քարի,  
Արյունոտ էր՝ երբ եկան,  
Բայց Սուրոյի հետ հետո  
Ուրախացան շատ երկար...

Ասում էր՝ ո՞նց լսեցիր  
Աղմուկի մեջ ձայնը իմ...  
Բայց Գունդուչիկն ուներով  
Միայն թորթվում էր՝ «եսիմ»...


Եվ մայրիկն էր Սուրոյի  
Վազբով հասել գետի ափ,  
Գիրկն էր առել երկուսին  
Ու արտասովում էր անձայն:

- Լաց մի՛ եղեք, չի՛ ցավում,  
Արյունն էլ ոնց որ անցավ.-  
Սա՛ էր խոսքը հերոսի,  
Որ օգնեց ու մոռացավ:



# ԳՈՒՆԴՈՒՉԻԿԸ

## ՄԱՐԶԻՉ




Լացը՝ լցված աչքերում,  
Գլուխը կախ՝ թռչնի պես,  
Սաթեն նստել էր բակում՝  
Մենակ, տխուր էր այնպես:

Գունդուչիկը երբ տեսավ  
Նրան այդպես լացելիս,  
Մոտ վազեց ու զարմացած  
Հարցրեց՝ ինչո՞ւ ես լալիս:

Ասաց՝ հրել է Սեթոն,  
Ձեռքից քաշել է կոպիտ,  
Խաղալիքն իր սիրելի՝  
Խլել-տարել է մոտից:





- Վա՛յ, Սաթե՛ ջան, բայց Սերոն  
Քո եղբայրն է սիրելի,  
Քեզնից փոքր է՝ խաղա թող,  
Դու էլ դարձիր ֆուտբոլիստ:

Ձեռքը տվեց Սաթեի,  
Ոտքի գնդակը կաշվե,  
Ասաց.- Կանգնեմ դարպասին,  
Դու խփիր, ես՝ կհաշվեմ...

Սաթեն նախ լացը կտրեց,  
Ծիծաղեց ու վեր կացավ,  
- Ապրես,- ասաց,- Գունդուլչի՛կ,  
Բայց ես ֆուտբոլ ո՛նց խաղամ:




# ԳՈՒՆԴՈՒՉԻԿԸ

## ԲՆԱԳԵՏ

Վանդակ ուներ թռչունի,  
Կողքին՝ մի մեծ ակվարիում,  
Հովակը, լավ բնասեր,  
Թռչուն ու ձուկ էր պահում:

Գունդուչիկը՝ նրան հյուր,  
Հմայվել էր ձկնիկով,  
Հարցրել էր հովակին,  
Կեր էր տալիս իր ձեռքով:





Իսկ թուփակը ջանասեր՝  
Բառ էր փնտրում շեղելու,  
Վանդակի դուռը բացել՝  
Թը՛ռ, եկել էր շփվելու:

- Զուկի՛կ,- հանկարծ բղավեց,  
Թառեց ուսին ճովակի,  
Գունդուչիկը շփոթված  
Ձեռքը մեկնեց թուփակին:

- Զուկը չունի ո՛չ լեզու,  
Ո՛չ էլ թևեր, որ գա մոտ.  
Տե՛ս, Գունդուչի՛կ, էս էլ մեր  
Ճո՛ւռ թուփակը մարդամոտ...




# ԲՈՆՈՑԻՆԵՐ ԲԱԶՄՈՑԻՆ

Վիզը տաք-տաք փաթաթած,  
Թուշիկները՝ կաս-կարմիր,  
Հիվանդ պառկել էր ջերմով  
Գունդուշիկը բազմոցին...

Մի քիչ տխուր էր կարծես,  
Եվ մայրիկն էր անհանգիստ,  
Բայց Գունդուշիկը մտքով  
Բակում ելել էր վազքի...

Այնքան խաղաց բռնոցի,  
Մինչև քրտնեց՝ ջուր դարձավ...  
Իսկ երբ շորերը փոխեց,  
Չերմը իջավ՝ լավացավ:





## ԸՆԿԵՐՈՎԻ ԽԱՂ

- Երեխաները բակից  
Քեզ են կանչում, Գունդուչիկ...
- Յիմա գալիս եմ, գալիս.-
- Ձայն է տալիս նա ներսից:



Եվ վազում է տնից դուրս՝  
Ուրախացած, եռքով լի,  
Ընկերներն են հավաքվում  
Գունդուչիկի սիրելի...

- Յարցնում են՝ ո՞ր էիր.
- Յիվանդ էի՝ լավացա:
  - Արի խաղանք միասին  
Բռնոցի կամ հավալա...

Խաղ են անում գնդակով,  
Յասնում՝ փախչում մեկմեկից,  
Ծավալվում է իսկական  
Վազքն ու աշխույժ բռնոցին...



## ԼԱՎ ԸՆԿԵՐՆԵՐ

Աղջիկների հետ բակում՝  
Բաբկենի կամ Սոսի պես,  
Գունդուչիկը չէր կարող  
Կոպիտ վարվել կամ խոսել:

Չէր քաշքշի հյուսքերից  
Երկարամազ Մանեի,  
Չէր թողնի, որ նեղացնեն  
Անիկն կամ Նանեին:

Խաղի մեջ ինքը անգամ  
Նրանց կարող էր զիջել,  
Իսկ քույրիկի լացն անհամ  
Գիտեր իսկույն ընդմիջել,-

Ժպտում, կանչում էր՝ Արփի՛,  
Գիրկն էր առնում սայլակից,  
Ու կշկշում էր Արփին,  
Չեճանիվի ընթացքից...



Գունդուչիկը իր նման  
Ուներ բակում ընկերներ,  
Որ գիտեին և՛ խաղալ,  
Եվ փոքրերին պաշտպանել:



## ՉՄՈՒՆ ՇՅՈՒՐԸ

Ձյուն էր եկել գիշերով՝  
Ճերմակել էր դուռ ու բակ,  
Գունդուչիկը ասերով  
Ձյունից սարքել էր գնդակ:

Ուրախացել էր անչափ,  
Որ այդքան ձյուն է եկել,  
Ընկերների հետ արագ  
Երկրորդ գնդակն էր սարքել:

Իսկ երբ գնդակը երրորդ  
Թավալել էր բակով մեկ՝  
Մի մեծ թմբուկ էր ստացվել,  
Որը դեռ պետք էր կոկել...





Սուրոն գազար էր բերել,  
Վաշիկը՝ դույլ ու ածուխ,  
Գունդուչիկը ձեռքերով  
Նդկում էր գունդը աշխույժ:

Ու երբ պատրաստ երեք գունդ  
Մեծից փոքր կրեցին,  
Տարան, բակի եղևնու  
Արմատի մոտ դրեցին,

Նանկարծ մեկը փռշտաց  
Սուրոյենց սուր գազարով,  
Աչքի ծայրով էլ ժպտաց  
Ածուխների սև փայլով.

Ասաց՝ թե կա՛ Զնեմարդ,  
Կգա նաև Նոր-Տարի,  
Դույլը գլխին առավ թարս՝  
Գլխարկի պես Վաշոյի:

Նիմա երեք ընկերով  
Մնց են ինդում զարմացած.  
Այ բեզ հրաշք՝ իսկական  
Ասող-խոսող Զնեմարդ...





## ՄՏՔԻ ՀԱՅԵԼԻՆ

Պատկերազարդ, գունազեղ  
Իր գրքույկի էջերին,  
Մատն էր շարժում ձախից աջ  
Գունդուչիկը տողերին:

Կարդում էր վարժ, անսայթաք,  
Չէր շփոթում ո՛չ մի տեղ,  
Կարդում էր, բայց, ո՛վ զարմանք՝  
Դեռ տառերը չգիտեր...

Անգիր արել լսելով՝  
Մտքում պահել էր քիչ-քիչ,  
Շուտով՝ գևա երբ դարոց,  
Կտվորի ամեն ինչ:



# ԳՈՒՆԴՈՒՉԻԿԸ՝

## ԵՐԱԶՈՒՄ

Քնելուց առաջ  
Միշտ բարի գիշեր,  
Բարի երա՛գ է  
Մաղթում ամենքին,  
Նեքիաթասացը՝  
Գլխարկով գունեղ,  
Զայնով թավիշե,  
Ժպիտը դեմքին:

Եվ հաճախ, քնած  
Մանուկներն անհոգ  
Տեսնում են իրար  
Նաև երազում,  
Նեքիաթների մեջ,  
Թե խաղին տրված՝  
Կանչում են իրար,  
Ցատկում, վազվզում:



Մեր Գունդուչիկն էլ՝  
Նոր աչքը փակած,  
Իր ընկերներին  
Պատմում է արդեն.



- Գիտե՞ք, մեր մասին  
Մի գիրք կա գրված,  
Կկարդանք վաղը՝  
ձեկց քնից զարթնեք:



## ՀԵՏԳՐՈՒԹՅՈՒՆ

### ՀԱՅՐԻԿԻ ՄԵՔԵՆԱՅԻՑ

- Տղան, հայելին ի՞նչ է քո խելքով,

- Գործի՞ք է, հայրիկ:

- Գործիք՝ շան խելք...  
Որ ճանաչել է օգնում ինքդ քեզ,  
Որ ցույց է տալիս ճամփա, երթևեկ...

- Ղեկին, չէ՞, հայրիկ, ավտո վարելիս:

- Ճի՛շտ է, որ տեսես՝ ի՞նչ կա ետևից:

- Հայրիկ, իսկ ո՞վ է հորինել, ասա՛:

- Մի խելք վարպետ, որ հղկեց մետաղ:

- Դա ե՞րբ պատահեց:



- Անտիկ աշխարհում...


- Իսկ հետո արդեն թրծված ապակուն  
Արծաթի շերտով կամ շերտով ոսկու  
կատարյալ դարձավ տեսքը հայելու:

- Թե այսօր ինչ է հայելին՝ ասե՛մ.  
Հղկված ապակու ներկված մակերես:

- Ապրես, բայց ներկ չէ, այլ նյութ է հատուկ:

- Որ մեր ամեն քայլ կրկնո՞ւմ է ծածուկ...  
- Հայրիկ, հայելում դու ի՞նչ ես տեսել,  
երբ իմ տարիքի տղա ես եղել...

- Ես քե՛զ եմ տեսել, իմ խելոք տղա,  
Որ քո աչքերում տեսնեմ ինձ հիմա:





## ԲՈՎԱՆԴԱԿՈՒԹՅՈՒՆ

1. Գունդուչիկը խաղընկեր	3
2. Գունդուչիկը փրկարար	4
3. Ուրախության հայելի	5
4. Հնարամիտ հայելի	8
5. Թանգարանում	10
6. Սնկով կարկանդակ	12
7. Գեղափին	14
8. Գունդուչիկը մարզիչ	16
9. Գունդուչիկը բնագետ	18
10. Բռնոցիներ բազմոցին	20
11. Ընկերովի խաղ	21
12. Լավ ընկերներ	22
13. Չմռան հյուրը	24
14. Մտքի հայելին	26
15. Գունդուչիկը՝ երագում	27
16. Հեղափոխություն հայրիկի մեքենայից	29



## **ԳՈՏԱՐ ԳԱԼՍՑԱՆ**

### **ԳՈՒՆԴՈՒՉԻԿՆ ՈՒ ՀԱՅԵԼԻՆ**

Մանկական բանաստեղծություններ

Հրատարակիչ խմբագիր՝  
**Վան Արյան**

Մատիտանկարները՝  
**Գոհար Գալստյանի**

Էջադրող՝  
**Նարինե Հովհաննիսյան**

Չափսը՝ 60x84, 1/16:  
Ծավալը՝ 2 տպ. մասով:  
Թուղթը՝ կավճապատ, տպագրությունը՝ օֆսեթ:



Տպագրվել է «Վան Արյան» հրատարակչատանը  
ՀՀ, Երևան, Բաղրամյան փ. 3  
+(374) 10 54 33 17  
vanaryan1996@yahoo.com